

Sier Gasparo Contarini, el provedador sora la camera d'imprestidi	41.111
† Sier Alvise Gradenigo, el governador di l'intrade, qu. sier Domenego cavalier	94. 80
Sier Vettor Capello, fo synico e provedador di Terra ferma, qu. sier Andrea	16.147
Sier Nicolò Salamon, fo avogador di Comun, di sier Michiel	53.115
Sier Francesco Morexini el dotor, qu. sier Gabriel	20.141
Sier Zorzi Pixani dotor et cavalier, savio dil Consejo	63.101
Sier Andrea Foscolo, fo savio a Terra ferma, qu. sier Marco	44.119
Sier Santo Moro el dotor, fo di Pregadi, qu. sier Marin	24.143
Sier Nicolò Bernardo, savio dil Consejo, qu. sier Piero	61.102
Sier Alyise Mozenigo el cavalier, fo ambador in Franza	55.106
Sier Lunardo Emo, fo consier, qu. sier Zuan cavalier	79. 88
Sier Piero da cha' da Pexaro, fo cao dil Consejo di X, qu. sier Nicolò	70. 91
Non. Sier Andrea Trivixan el cavalier, savio dil Consejo, qu. sier Tomà procurator, zura consier	
Non. Sier Luca Trun, fo savio dil Consejo, qu. sier Antonio, per esser consier da baso	

In questo Pregadi, li do Censori andono dal Principe et Signoria per voler meter una parte zercha rimoversi di dove sentano in Gran Consejo et andar a sentar dove vorano, justa quello terminò la Signoria potesseno meter. E a l'incontro, sier Gabriel Venier e sier Beneto Zorzi avogadori di Comun, andono a la Signoria a dir loro haveano intromesso questa termination et la voleano menar in Gran Consejo, e stante la intromission soa, non si poteva innovar alcuna cossa. Hor erano mutati tre Consieri di quelli terminono, et fo balotà e preso, per 4 balote, che stante la intromission loro nulla potesseno meter, et do balote fo per loro Censori: sichè havevo patientia.

In questa matina, fo cavato il quinto di scriti a la pruova di Santa Barbara per venir a Consejo, et ne rimase 24, tra i qual uno era morto.

Exemplum.

129

Die 28 Novembris 1518.

Audita controversia cum Serenissimo Principe et Illustrissimo Dominio vertente inter dominos Censores et Advocatores ex altera, utrum ipsi domini Censores haberent auctoritatem ponendi partem et partes in Maiori Consilio, positum fuit inter dominos Consiliarios et captum quod sic, et fuerunt: 4, 1, 0.

Et illico ipsi domini Advocatores comunis intromiserunt suprascriptam terminationem rationibus et causis loco et tempore dicendis, mandantes dicta intromissione stante nihil ulterius innovari debere.

Die 4 Decembris.

Che havendo li signori Avogadori di Comun intromesso la opinion di signori Consieri, che hanno terminado che i signori Censori habino auctorità di poter meter una sua parte nel Mazor Consejo, et è *solum* zorni sei fu facta la intromission preditta, la qual stante ditti signori Avogadori alegano dicti signor Censori non poter meter la predita parte; però sia dechiarido se, stante ditta intromission, preditti Censori possano meter parte o non fin che non passi el mexe di la intromission: *quod Censores possint ponere suprascriptam partem stante intromissione*: 2, de non 4.

A dì 5, Domenega, la matina fo letere di sier Lazaro Mocenigo luogotenente in la Patria di Friul. Avisa come quelli di Maran voleno far certa via per andar a Gradisca per condur mercantie con danno di daci di la Patria; e che uno certo Albanese patron di barca, qual fo quello condusse via li presoni scampono todeschi e fo bandizzato per il Consejo di X, è causa di questo etc.

Da poi disnar, fo Gran Consejo. Fato Capitano a Padoa sier Piero Lando el consier, qual vene dopio, et ave balote 868, 511; sier Domenego Contarini, fo capitano a Padoa, 586, 708; sier Antonio Morexini, el consier, 498, 875. Fato election di Podestà e capitano a Feltre et di un Camerlengo di Comun, et niun non passoe.

Vene a Consejo uno di rimasti a la balotà eri, vestito da soldato con bareta di scarlato, ch'è sier Zuan da Canal qu. sier Polo, qual è a soldo con

(1) La carta 129* è bianca